

TRANSPORT VOSITALARI RESURSIGA MOYLASH MATERIALLARINING TA'SIRI

Odilov Xayrullo Raxmonjon o'g'li

Andijon mashinasozlik instituti doktoranti,

E-mail: hayrulloodilov94@gmail.com

ANNOTATSIYA Maqolada transport vositalari ekspluatatsiyasida moylash materiallarining turlari va turli iqlim sharoitlarida moylash materiallarini to'g'ri tanlash bo'yicha ma'lumotlar keltirilgan.

Kalit so'zlar: avtomobil, moylash materiallari, dvigatel, harorat.

O'zbekiston Respublikasi Vazirlar Mahkamasi tomonidan qabul qilingan "Xalq xo'jaligidagi ishlab chiqarishni zamonaviy texnikalar bilan ta'minlash dasturi"ga binoan Vatanimiz ishlab chiqarish tarmoqlarini zamonaviy chet el va yurtimizda ishlab chiqarilgan raqobatbardosh texnikalar bilan ta'minlash lozim. Xalq ho'jaligi tarmoqlarida mamlakatimizda va xorijda ishlab chiqarilgan motor moylari, transmission moylar, plastik moylar keng ko'lamda foydalaniladi. Moylash materiallari mashina va mexanizmlarning ekspluatatsiya xususiyatlarini yaxshilab, ularni ishlash samaradorligini, ishonchli va uzoq muddat ishslashini ta'minlaydi, eng asosiysi yonilg'i-energiya resurslaridan oqilona foydalanib, yonilg'i hamda energetik resurslarni tejash imkonini beradi. Moylash materiallari ma'lum bir haroratda o'zining oquvchanlik xususiyatini yo'qotadi. Moyning oquvchanlik xususiyatini yo'qotishi sovuq ta'sirida moy tarkibidagi uglevodorod kristallarining ajralishi oqibatida kristall karkas hosil bo'lishi yoki sovuq ta'sirida moy qovushoqligining katta qiymatga ega bo'lishi natijasida amalga oshadi [1]. Moylash materiallarini ishlab chiqarishda olinadigan mahsulotning qotish haroratini pasaytirishga yo'naltirilgan bir qator chora-tadbirlar amalga oshiriladi. Bu tadbirlardan biri moy suyuqlanish harorati nisbatan yuqori bo'lgan uglevodorodlardan

parafinsizlantirish yo‘li bilan tozalanadi va tozalangan moy tarkibiga depressor qo‘shilmalar (depressorlar) qo‘shilib, moyning qotish harorati sezilarli darajada pasaytiriladi [2]. Moylarga, yonilg‘ilarga qo‘yilgани каби, ularning metallarga korrozion ta’sirining minimal bo‘lishi, tarkibida mexanik aralashmalar va suvning bo‘lmасligi bo‘yicha talablar qo‘yiladi. Moylar detallarni korroziyalanishdan ishonchli saqlashi lozim. Korroziyalanish tez ligi moy tarkibidagi yoki ish jarayonida hosil bo‘ladigan mexanik aralashmalar, suv, suvda eriydigan kislotalarga bog‘liq. Mineral kislotalar detallarning jadal korroziyalanishiga sabab bo‘ladi, shuning uchun, standartlarga ko‘ra, moylar tarkibida ularning bo‘lishiga ruxsat etilmaydi. Korrozion yemirilish tezligiga suv katta ta’sir ko‘rsatadi. Standartlarga ko‘ra, yangi moylarda suv bo‘lishiga ruxsat etilmaydi. Lekin moyni noto‘g‘ri tashish, saqlash va mashinaga noto‘g‘ri quyish natijasida moyga suv tushishi mumkin. Bundan tashqari, ish vaqtida dvigatelga gazlar bilan birga kiruvchi suv bug‘lari moyga tushadi. Bu gazlar yonilg‘idagi vodorodning yonishi natijasida paydo bo‘lganligidan ularda ko‘p suv bo‘ladi. Shu sababli kimyoviy yeyilishning oldini olishning asosiy shartlaridan biri ishlatiladigan moylarda suv bo‘lmасligiga erishishdir. Bir qator moylarning tarkibida oz miqdorda (0,025 foizgacha) suv bo‘lishiga, shuningdek, foizning yuzdan bir ulushi miqdorida mexanik aralashmalar bo‘lishiga ruxsat etiladi [3]. Mazutdan olingan barcha moylar 50°C haroratgacha yuqori fizikaviy va kimyoviy turg‘unlikka ega bo‘ladi. Ular tashish va uzoq vaqt saqlash jarayonida o‘z xususiyatlarini sezilarli darajada o‘zgartirmaydi. Shuning uchun moy zaxiralarini 5 yil va undan ortiq muddat saqlashga ruxsat etiladi. Moy harorati 50°C dan ortganida (bu holat amaliyotda ko‘p uchraydi) esa, moyning fizikaviy va kimyoviy turg‘unligi keskin pasayadi, korrozion ta’siri esa keskin ortadi. Yuqori haroratlarda avtomobilarning ishonchli ishlashini ta’minlash uchun moylarga turli xil qo‘shilmalar qo‘shiladi [4]. Moylarga qo‘shiladigan qo‘shilmalar bu murakkab birikmalar bo‘lib, ularni surkov moylarining sifatini yaxilash va ularga yangi xususiyatlar berish uchun qo‘shiladi. Ularning miqdori foizning yuzdan bir ulushidan 20–30 foizgacha yetadi [5].

Qo'shilmalar vazifasiga ko'ra oksidlanishga qarshi, korroziyaga qarshi, yuvuvchi, dispersiyalovchi (maydalovchi), yeyilishga qarshi, qovushoqlikni oshiruvchi, ko'pirishga qarshi va boshqa turlarga bo'linadi.

Moylarga qo'shiladigan qo'shilmalarga quyidagi talablar qo'yiladi:

- moylarda yaxshi erish;
- uzoq muddat saqlanganida, harorat o'zgarganida va suv ta'sir etganida ajralib chiqib, cho'kma hosil qilmasligi;
- dvigatelning moy tozalash qurilmalarida filtrlanmasligi;
- moylarning ayrim ekspluatatsion xossalari yaxshilab, boshqalarini yomonlashtirmasligi;
- issiqlik va kimyoviy ta'sirlarga turg'un bo'lishi [6].

Uzel va agregatlarni ishlatishda to'planadigan oksidlanish mahsullari qurum, lok hosil bo'lishining, shuningdek, detallarning korrozion yeyilishi tezlashishining asosiy sababchisidir. Shuning uchun harorat ta'siriga chidamli moylar ishlab chiqarish zarurati tug'iladi. Bunga oksidlanish jarayonini sekinlashtiruvchi oksidlanishga qarshi qo'shilmalar qo'shish yo'li bilan erishiladi. Oksidlanishga qarshi qo'shilmalar moyning oksidlanish jarayoni boshlanishini kechiktirib, ishslash davrini kengaytiradi, oksidlanganda hosil bo'lgan gidrooksidlarni buzib yuboradi va buning natijasida zanjirli reaksiyani to'xtatib qo'yadi, uglevodorodlarning oksidlanish mahsulotlariga ta'sir ko'rsatib, yangi moddalar hosil qiladi, bu moddalar oksidlanishga qarshi xususiyatga ega bo'lib, oksidlanish jarayonini to'xtatadi. Oksidlanishga qarshi qo'shilmalar sifatida alkinfenolli qo'shilmalar ko'proq tarqalgan bo'lib, ularning eng samaralisi ionol, amin tipidagi birikmalar va tarkibida oltingugurt, azot, fosforli birikmalar mavjud qo'shilmalardir [7]. Metall detallar sirtida korrozion-aktiv moddalarining metallga ta'siriga to'sqinlik qiluvchi pardalar hosil qiladi. Bu pardaning qalinligi, xususiyatlari va hosil bo'lish tezligi qo'shilmaning kimyoviy tarkibi va ta'sir sharoitiga bog'liq. Bu parda sirtni yeyilishdan, ternalish, qirilish va toliqib yemirilishdan saqlaydi. Qo'shilmalarning ikkinchi ta'sir yo'li – bu oltingugurtli yonilg'ini yonish va moyni oksidlanish natijasida

hosil bo‘lgan korrozion-agressiv mahsulotlarni neytrallashdir. Antikorrozion qo‘shilmalar sifatida quyidagi birikmalar ishlataladi: tributilfosfit, trifenil fosfit, oltingugurtlashgan moy va boshqalar [8]. Surkov moylarining qovushoqlik-harorat xususiyatlariga, yuqori qovushoqlik xususiyatiga ega bo‘lishi va past haroratlarda oquvchanligi yaxshi bo‘lishini ta’minlash maqsadida ular yuqori molekular birikmalar yordamida quytiriladi. Bunday qo‘shilmalar jumlasiga poliizobutilenlar, polivinilalkilli efirlar, polimetakrilatlar va boshqalar kiradi. Poliizobutilenlar moyning qovushoqligi va qovushoqlik indeksini oshirish bilan bir paytda moylash xususiyatini ham yaxshilaydi [8-9]. Moy qovushoqligini oshirishda polimetakrilatlardan keng foydalaniladi. Ular yordamida quytirilgan moyning qovushoqligi turli xil haroratlarda yaxshi bo‘ladi va past haroratlarda dvigatelni ishga tushirishni yengillashtiradi. Shu bilan birga, bu moylarni barcha mavsumlarda ishlatish mumkin. Quytirilgan moylarning kamchiligi shundaki, ular 100°C dan yuqori haroratlarda polimerisizlantiriladi, ammolarga antifriksion qo‘shilmalar qo‘shib bu jarayon to‘xtatiladi. Havo harorati past bo‘lganida odatdagи moylar o‘zining oquvchanlik xususiyatini yo‘qotishi tufayli ularni ishlatib bo‘lmaydi. Shuning uchun qotish harorati nisbatan yuqori bo‘lgan moylarga depressor qo‘shilmalar qo‘shiladi. Depressor qo‘shilmalar havo harorati pasaygan paytlarda moy tarkibidagi parafin kristallarining o‘sishini to‘xtatib turadi. Buning natijasida moyning qotish harorati 15–20°C ga pasayadi va moy o‘zining oquvchanlik xususiyatini saqlab qoladi. Bunday qo‘shilmalar sifatida dialkilnaflalin, paraflou, santopur, polimetakrilat D va boshqa qo‘shilmalardan foydalaniladi [10].

1-jadval

Benzinli dvigatellar uchun asosiy motor moylari va ularning tavsifi

Ko‘rsatkichlar	Moy markasi			
	M–8B₁	M–ЯГ₁	M– 6₃/10Г₁	M–12Г₁
Kinematik qovushoqligi, mm ² /s				

100°C dagi (ko‘pi bilan)	8 ± 0,5 1200	8 ± 0,5 –	10 ± 0,5 1000	12 + 0,5 –
Qovushoqlik indeksi (kamida)	90	100	125	95
O‘t olish harorati, °C (kamida)	200	210	210	220
Qotish harorati, °C (ko‘pi bilan)	-25	-30	-30	-20
Ishqor soni, mg KOH/g (kamida)	4,0	8,5	10,5	8 , 5
Kul hosil qilishi, % (ko‘pi bilan)	0,95	1,3	1,65	1 , 3
Mexanik aralashmalar miqdori, % (ko‘pi bilan)	0,015	0,015	0,015	0,015

2- jadval

Dizelli dvigatellar uchun asosiy motor moylari va ularning tavsifi

Ko‘rsatkichlar	Moy markasi			
	M–8Г ₂	M–10Г ₂	M–8Г ₂ к	M–10Г ₂ к
Kinematik qovushoqligi, mm ² /s				
100°C dagi (ko‘pi bilan)	8 ± 0,5 1200	11 ± 0,5 –	8 ± 0,5 1200	11 + 0,5 –
0°C dagi				
Qovushoqlik indeksi (kamida)	90	90	95	90
O‘t olish harorati, °C (kamida)	200	205	200	205
Qolish harorati, °C (ko‘pi bilan)	-25	-15	-30	-15
Ishqor soni, mg KOH/g (kamida)	6,0	6,0	6,0	6 , 0
Kul hosil qilishi, % (ko‘pi bilan)	1,65	1,65	1,15	1,15
Mexanik aralashmalar miqdori, % (ko‘pi bilan)	0,015	0,015	0,015	0,015

Xulosa qilib aytganda, avtomobilarning ekspluatasion samaradorligini oshirishda, ularda ishlataladigan moylash materiallarining sifati juda muhim hisoblanadi. Avtomobilning harakatini vujudga keltirib beruvchi davigatel ishi, mexanizm detallarining doimiy ishqalanishi natijasida yuzaga keladi va uning foydali ish

koeffitsiyentining oshishi, detallar ishslash muddatining uzayishi motor moyining sifatlari tanlanishiga, o‘z vaqtida almashtirilishiga bog‘liqdir. Bundan tashqari ekspluatatsion sharoitga mos qovushqoqlikka ega moylash materiallarining tanlanishi transport vositasining barcha parametrlarining samaradorligiga ijobiy ta’sir ko‘rsatadi.

FOYDALANILGAN ADABIYOTLAR:

1. S.Turobjonov, M.Shoyusupova, B.Abidov. Moylar va maxsus suyuqliklar texnologiyasi. TOSHKENT—2010
2. Z.X.Alimova. Transport vositalarida ishlatiladigan ekspluatatsion materiallar. T- Fan va texnologiya, 2011
3. Petroleum Refining in Nontechnical Language. Leffler, L.William. Printed in the United States of America TP692.3.B873 2008
4. K.J.Matkarov, B.J. Mahmudov, A.A.Norqulov. Avtomobilarda ishlatiladigan ashyolar. TOSHKENT «NOSHIR» 2013.
5. Odilov K., Almatayev T. IMPORTANT FACTORS THAT LEAD TO WEAR OF VEHICLE PARTS OPERATING IN DIFFERENT CLIMATIC CONDITIONS. – 2023.
6. Raxmonjon o‘g‘li, O. X., & Boxodirjon o‘g‘li, R. B. (2022). ICHKI YONUV DVIGATELLARIDA ISHLANGAN GAZLARIDAN CHIQADIGAN ZAHARLI CHIQINDILAR VA ULARNI ZARARSIZLANTIRISH. Новости образования: исследование в XXI веке, 1(5), 857-862.
7. Odilov K. BENZINLARNING FRAKSION TARKIBINI ANIQLASH VA TAHLIL QILISH //Theoretical aspects in the formation of pedagogical sciences. – 2022. – T. 1. – №. 6. – C. 47-52.
8. Odilov, X. R. O. G. L. (2022). Analyze the efficiency of alternative fuels. Science and Education, 3(6), 419-425.
9. Rahmonov X., Odilov X. Organization of quality transport service //Asian Journal of Multidimensional Research. – 2022. – T. 11. – №. 5. – C. 289-293.
10. Каримходжаев, Н., Алматаев, Т. О., & Одилов, Х. Р. У. (2020). Основные причины, вызывающие износ деталей автотранспортных средств, эксплуатирующихся в различных природно-климатических условиях. Universum: технические науки, (5-1 (74)), 68-71.